



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Diluuntur obiecta aduersus communem Scholasticorum sententiam.
memb. 5.

[urn:nbn:de:hbz:466:1-73915](#)

comprobatum. Nec appetat, quod emolumenntum ex eo sequatur quod naturales vires humani arbitrij usque adeo extenuentur, ut hic & similes actus naturales ac simplices ab eo fieri posse negentur absque speciali auxilio Dei.

Tertio, quoniam non minus difficile est assentiri mysterio glorioissimæ Trinitatis, Incarnationis, Eucharistie, & ceteris reuelatis, qua lumen naturale transcendent, quam in absentia obiectorum & occasionum omnium statuere, continere se ab omni lethali peccato: sed illud primù potest homo quoad actus substantiam absque speciali auxilio, non quidem afferens Christiano sed merè naturali, vt disputatione septima ostensum est: ergo eo præsternit intuitu, vt pœnas aternas evadat, sempiternamque consequatur felicitatem, & Deo, cui tot rationibus est deinclusus, obsequatur, poterit hoc secundum, quod rationi luminique naturali est adeo consuetum.

Quarto, Experiencia compertum est, saepe aliquos accedere ad confessionem cum voluntate perseverandi in uno aliquo peccato, siue illud sit concubinatus, siue odiū, propositum vindictæ, siue voluntas non restituendi alienum, aut quodvis aliud, attamen cum proposito vitandi simul cetera omnia lethalia peccata: sed nemo dixerit, propositum vitandi cetera peccata, prater illud unum, esse elicium ex auxilio particulari Dei: quandoquidem non est integrum propositum abstinenti à lethalibus, adiunctumque habet propositum perseverandi in uno: cum ergo abstine ab illo vno peccato, si cum deuotione ceterorum omnium coniungatur, non multum addat difficultatis, præsertim quia si illud unum sit, verbi gratia, voluntas vindictæ, aut retinendi alienum, vel quodvis aliud, antequam in illud homo laberetur, nullam eiusmodi difficultatem in proposito declinando omnia in genere pataret: conseqens profectò est vt si quis viribus naturalibus statuere possit abstinere à reliquis, prater unum, possit etiam statuere eadem ferè facilitate ab omnibus in genere in posterum abstinere.

Sanè negari non potest, quæ hoc membro & præcedente, atque etiam primo dicta sunt, hanc Scholasticorum sententiam vtimumque probabilem reddere. Vtrum autem contraria, qua hodie in Scholis apud varias orbis prouincias communis asserritur, sit nihilominus potius amplectenda, & ex quo capite tractis prius necessariis ad id fundamentis, dicetur commodiùs inferitus, cùm examinabitur, an in humano arbitrio cum solo concursu generali, sint sufficiëtes vires naturales ad quacumque grauem temptationem, ac difficultatem in quocumque temporis momento superandam. Interim videamus quonam pacto exposita Scholasticorum sententia defendi possit.

M E M B R U M V.

Diluntur obiecta aduersus communem Scholasticorum sententiam.

Satisfit fundamento contraria opiniōnī.

Vo^d attinet ad fundamentum, quo contraria sententia nititur, satis ostensum est ad contritionem & attritionem, etiam supernaturalem, sufficere propositum absolutum in genere non peccandi lethaliter, neque requiri ut

sit efficax, coniunctamque proinde habeat observationem mandatorum, ad quam indiger homo naturæ lapſe quotidiano particuliari Dei auxilio.

Quod ad Sotum attinet, certissimum est illum de numero eorum esse, qui explicatam Scholasticorum sententiam sequuntur, vt apertissime constat ex 2. de natura & gratia & 4. sententiarum locis citatis. Primo vero de natura & gratia hoc solum illis verbis citatis intendit: Hominem in statu naturæ lapſe cum solo concursu generali Dei non posse habere actum, quo statuat diligere Deum super omnia seruando omnia mandata, ad hunc sensum verum ac legitimum, quod re ipsa postea omnia impletat, velut cuique Sotum legenti manifestum erit: hoc autem nihil ad rem de qua modò disputamus: cùm ostensum sit, ad veram contritionem non esse necesse eiustmodi propositum, quo opere postea implatur, quod proponitur: id enim est error in fide. Praterè, qua Sotus eo loco doce, lima indigent. Etenim homo nature integræ, quemadmodum sola iustitia originali, & virtibus naturalibus liberi arbitrii, atque concursu Dei generali, sine alio dono aut auxilio supernaturali, seruare diu poterat omnia præcepta naturalia: ita unico actu poterat apud se constitutre ea seruare, idque postea opere implere: at cùm haec omnia non transcedenter limites operum mere naturalium, qua fini dumtaxat naturali commensurantur, dispositiones non erant ad gratiam, vt in calce disputationis tertiae, & disputatione quartæ & sexta ostensum est, nisi ex peculiari impulsu Spiritus sancti fierent, eucherenturque ad supernaturale quoddam esse fini supernaturali aliquo modo commensuratum. Neque Adam ex propriis dispositionibus collata est gratia gratum faciens, sed simul cum natura fuit ei infusa, vt super dictum est.

Quare etsi homo, post naturam lapſam & contractum peccatum, vires naturales haberet, quibus posset in longissimum quodcumque tempus seruare omnia mandata, & ob eam causam ita unico actu posset id statuere, vt viribus suis posset id postea implere, actus tamen illa non est fatis, vt liberaretur vel a solo originali peccato, nisi impulsu Spiritus sancti esset adiutor & euctus ad esse supernaturale. At si homo naturæ lapſa, vel dum peruenit ad usum rationis statu defuisse Deo, seruareque omnia eius mandata fuerit diuino auxilio, vel postquam in peccatum lethale proprio actu incidit, de eo doleat, similiiter statuere in posterum Deo in omnibus obedire, talisque actus impulsu Spiritus sancti eucchartur ad esse supernaturale, etsi tunc neque vires proprias habeat, neque eas recipiat ad præstandum posse, quod tunc proponit, verè dicitur diligere Deum super omnia supernaturaliter, siue ex impulsu motione Spiritus sancti, & est ultimò dispositus ad gratiam, eamque consequitur. Quare discrimen illud inter hominem naturæ integræ, & hominem naturæ lapſe, quod a dono iustitia originali præcisè spectat, ab omni alio dono prouenient, nihil ad rem præsentem facit, hoc est, vt homo, quantum fatis est, vel in statu naturæ integræ, vel in statu naturæ lapſe disponatur ad gratiam, quod Sotus non fatis eo loco animaduerterit. Atque haud scio an fatis penetraverit, distinctum esse supernaturale auxilium, quo homo naturæ lapſe indiger, vt eliciat absolutam supernaturalem dilectionem Dei super omnia, qua reponatur in gratia, à quotidiano particuliari auxilio, quo posset indiger.

F

indiget, ut eam obseruationem mandatorum efficacem reddat.

Quod ad Bartholomæum Medinam attinet, ostensum est illius sententiam non esse veritati contentancam.

Ut vero ad Concilium Tridentinum veniamus, si argumentum illud efficax esset, eodem sanè modo colligere possent, liberum nostrum arbitrium, etiam supposita fide supernaturali, sperare non posse ex suis naturalibus venian à Deo, quoad substantiam actus. Quandoquidem Concilium attritioni, quam dixit esse donum Dei & Spiritus sancti impulsu, utramque conditionem adiunxit, nempe, quod voluntate peccandi excluderet, & quod esset cum spe venia. In eo cùm eo loco sermo sit de homine fidei, quem Concilium ponit habere habitum fidei & spei supernaturalem, atque in eo, ad actum sperandi veniam, concurrat habitus spei, profectò si ratione aliquius illarum duarum conditionum censemur esse. Concilium intendisse definire, attritionem esse donum Dei, potius censendum esset id voluisse definite ratione spei veniam, quam ratione voluntatis, ac propositi non peccandi. At quamvis præsente habitu spei semper liberum arbitrium, dum à Deo veniam sperat, elicit, proper concussum habitus, & cum supernaturalem: nemo tamen dixerit in libero arbitrio, maximè præexistente fide, non esse vires cum concurso generali Dei ad sperandum, quoad substantiam actus, veniam, aut etiam vitam æternam à Deo: cùm contrarium doceat communis Theologorum sententia, neque præexistere fide, difficultas sit sperare à Deo, quam ante fidem compararam afferentibus à Deo reuelatis. Eodem ergo modo, quamvis concederetur propositum non peccandi, quod habere debet adiunctum ea attritio, que accende Sacramento Pœnitentiae ad iustificationem sufficit; debere esse supernaturale, eur negandum esset, in libero arbitrio facultatem inesse ad eliciendum quoad substantiam actus propositum mere naturale illi priori simile, quod ad iustificationem non esset satis, vt de actu fidei, & spei, Doctores communiter concedunt.

Vt vero ad punctum difficultatis accedamus, cùm nulla vñquam fuerit controversia, aut Doctribus Catholicis cum hereticis, aut inter ipsosmet Doctores Catholicos, utrum peccator quoad substantiam actus elicere valeat ex suis viribus naturalibus propositum, de quo loquimur, communique sententia Doctorum Scholasticorum sū, illud, E ē peccatore posse elici, neque Scriptura testimoniū, aut Concilium vñlum, ante Tridentinum, sit vnde oppositum colligatur, quis sibi persuadeat, Ecclesiam, que solū confundit definire necessaria & controversa, quaque nihil temere sine fundamentis, firmis rationibus, præuiaque discussione definit (utpote cui Spiritus sanctus assit ad declarandum ea quae ad fidem spectant, non vero vt per eam reueler, quae antea neque secundum se, neque per aliqua priora principia fuerant reuelata) quis, inquam, sibi persuadeat, Ecclesiam in eo capite Concilij Tridentini intendisse definire, attritionem, quae ad iustificationem cum Sacramento pœnitentiae sufficit, ex ea parte esse donum Dei & impulsu Spiritus sancti, quod propositum non peccandi, neque quoad substantiam actus, esse possit sine speciali auxilio Dei, intendisseque condemnare complurium Scholasticorum sententiam. Profectò quando aliud argumentum non esset, hoc vñum deberet esse satis, vt sibi persuaderent, Ecclesiam

A nihil tale intendisse eo loco definire, ridiculumque esse affirmare, post eam definitionem periculose, errorique proximam esse prædictam opinionem Doctorum, maximè cùm verba Concilij, si attentè legantur, nihil tale sonent, & cùm idem Concilium Sess. 6. can. 1. & 3. satis eidem opinioni Doctorum fauet, dum innuit, esse posse bona opera, quæ vel per solam vim natura, vel etiam adiuuante simul doctrina legis hant, sed illa sine Iesu Christi gratia non satis esse ad iustificandum. Et nos posse quidem credere, sperare, diligere, ac pœnitere, quoad substantiam actus, sine speciali auxilio Dei: non tamen sicut oportet, ut iustificationis gratiam consequamur.

Quod ergo Ecclesia in eo Concilij capite definit, Atritio, quæ hoc planè est, ut expediti verba erit manifestum. In primis aduersus quorundam apertum errorem, qui oppositum assertabant, prescribit, qualis esse debet atritio, ut quis cum ea ad Sacramentum Pœnitentie accedens donum iustificationis consequatur. Nempe, docet cum ea debere esse coniunctam voluntatem non peccandi, cum spe venia: idemque paulò ante aduersus eundem errorem exposuerat de contritione. Deinde aduersus errorem Lutheranorum definit: Tantum abesse ut attritio, quæ ad gratiam in Sacramento Pœnitentie suscipiendam disponit, ea ratione hypocritam & magis peccatorem faciat, quod ex Dei timore oratur, ut Lutherani asseuerabant, ut potius donum Dei sit & Spiritus sancti impulsus, non quidem iam per gratiam gratum facientem inhabitantis, sed mouentis, &c. Quod confirmat Concilium, quoniam eodem timore, Deo auctore, concusci Niniuitæ ad prædicacionem Ionæ plenam terroribus pœnitentiam egerunt, & misericordiam à Domino impetrarunt. Vnde infert ultius Concilium, falsò Lutheranos Scriptoribus Catholicis imponere, quasi tradiderint per Sacramentum pœnitentiae absque bono moru sufficiuntiam gratiam à Deo conferri: quandoquidem attritio, non malus, sed bonus motus peccatoris sit ac Spiritus sancti donum. Ex eo ergo capite definit Concilium, eam attritionem quæ cum Sacramento Pœnitentiae sufficit ad iustificationem esse donum Dei, quod oratur ex dono timoris Dei ab Spiritu sancto peculiari influxu & auxilio immiso: non vero quod propositum amplius non peccandi esse non possit, etiam quoad substantiam actus, sine speciali auxilio Dei.

Potest hanc ergo definitionem, non securius tantum, sed omnino affirmandum iudico, nullum adulterium vel extra Sacramentum, vel in Sacramento iustificari, nisi præuo bono motu liberi arbitrij eleuato ad supernaturale esse per gratiam præuenientem, auxiliuque Dei particulare, quasi Deus de lege ordinaria statuerit, neque extra Sacramentum, neque in Sacramento quemquam adulterium iustificare, nisi præuo motu liberi arbitrij, qui supernaturale sit, atque ad gratiam, & finem supernaturalem aliquo modo habeat proportionem. Quare si cut ad veram contritionem, præter motum fidei & spei supernaturalem, necessaria est gratia præueniens, hoc est, immisso affectus amoris supernaturalis, qua liberum arbitrium ad dolendum de peccatis ex amore Dei supernaturali excitatur: ita etiam ad attritionem, quæ accende Sacramento sit factis, ad iustificationem, præter motum fidei & spei supernaturalem, necessaria est gratia præueniens, hoc est, immisso affectus timoris Dei seruulis intuitu pœnarum; qui Spiritus sancti sit donum & quo liberum arbitrium exciterit arque adiuuet ad dolendum

Atritio, quæ
de eucta es-
se debet ad
esse superna-
turale, scilicet
per timorem
Dei superna-
turalem.

Gratia pre-
ueniens ad
contritionem
qua.

Gratia pre-
ueniens ad
attritionem qua.

Iendum de peccatis ex timore supernaturali. Quod fit, ut verum sit. Alioquin dictum illud Fulgentij de fide ad Petrum capite 33. tertio tomo operum Augustini: *Firmissimè teve & noll-tenuis dubita, neminem hic posse hominum pénitentiam agere, nisi quem Deus illuminauerit.* Huius nostra sententia videatur esse Canus in relectione de Pénitentia parte 3. folio 34. qui ad attritionem ex timore seruili (qui donum Dei est) ait necessarium esse auxilium supernaturale. Concilium ergo de ea attritione loquens, qui cum Sacramento viam ad iustificationem parat, meritò dixit esse donum Dei ex impulsu Spiritus sancti, non tamen proinde negavit, liberum nostrum arbitrium, maximè præexistente fide, & spe supernaturali, posse ex suis viribus naturalibus elicere, quod substantiam similem quendam actum, qui neque cum Sacramento ad iustificationem sit fatus, ut explicata Doctorum sententia posse elici affirmat. Quoniam vero facient quod in se est, Deus non denegat gratiam: Christusque nobis promeruit auxilia, non solum qua, conantibus nobis ex nostris naturalibus efficeret quod in nobis est, præstò essent, ac præuenirent, ut sic illo eodem conatu eliceremus dispositionem supernaturalem ad gratiam, sed etiam quibus sapè excitaremus omnino: inde est, quod quoties quis paratus fuerit ad conandum ex timore, efficiendūque totum quod potest circa detestanda peccata commissa & cauenda in posterum omnia lethalia, præueniatur à Deo affectu, donque timoris supernaturalis, & elicit attritionem supernaturalem, qualis cum Sacramento est necessaria, ut peccata delectantur.

Timoris affectus antecedere solet contritione.

Timor ut sit amorem inducit.

Soti de attritione opinio examinatur.

A vbi idem affirmat de attritione ex amore naturali Dei profecta, tametsi non sine formidine partis opofitæ.

Ego licet sententiam horum Doctorum non satutam post eam definitionem esse credam, ante maiorem tamen Ecclesiæ declarationem non eam auderem errorem appellare. Quoniam cum de peccatore fideli loquantur, qui fidem & spem supernaturales habet, quas ad attritionem, de qua loquuntur, concurrere ut notum relinquent, non negabunt, attritionem illam propter concursum fidei & spei esse donum Dei & quidam supernaturale: neque item negabunt, attritionem ex timore seruili sapè à Deo excitari & adiuuari peculiari concursu, aqua ita sapè hac etiam ratione esse donum Dei: que latissime instituto ac verbis Concilij dicere poterunt. Adde, bona moralia, qualis est ea attrito, cum à Deo intendantur & adiuuentur, dona Dei atque Spiritus sancti posse appellari. Hæc non ita à mediata esse accipiantur, quasi villa ratione probandam censem opinionem Soti: quam non solum falsam, sed etiam parum in fide tutam, præsertim post hanc Concilij Tridentini definitionem, esse arbitror: sed eo tantum animo, quod ante expressiore Ecclesiæ definitionem, nec erroris, nec acerbioris alterius nota, quam parum tutæ in fide, condemnandam esse iudicem.

DISPUTATIO XV.

Quædam Concilia antiqua circa hanc dictam exponuntur, libertasque arbitrii ad singulas supernaturales actiones concluditur.

Illud tamen est hoc loco animaduertendum, sapere liberum nostrum arbitrium, excitatum ad dolendum de peccatis dono timoris seruili ob intuitum pœnaru, solere conicere simul mentis oculum in Dei bonitatem & beneficia, quæ ab eo accepit, recipereque affectum supernaturalem amoris Dei, quo simul de eisdem peccatis dolet propter Deum, comparatque contritionem, per quam, etiam sine Sacramento, peccata remittuntur. Quia ratione, ut docent Theologi, innuitum Concilium Tridentinum. *Seſ. 6. cap. 6. motus timoris antecedere solet contritionem atque iustificationem impij, cùſque solet velut seta, quæ vt Augustinus tractat 9. in primam canon. Joan. ait: introductum filium caritatis, quia anima Deo unitur ac copulatur. Quod Niniuitis evenisse videtur, qui non videntur persistisse in dolore de peccatis ex solo timore Dei seruili, sed in dolore ex amore, atque in veram contritionem transiſſe. Plurimi namque eorum iustitiam videntur consecuti, ut Scriptura satis innuit, quam cum sola attritione consequi tunc minimè potuerunt, eo quod Sacramentis caruerint.*

Quæret aliquis, utrum post definitionem hanc Concilij Tridentini condemnanda sit erroris opinio Soti 2. de natura & gratia ad finem cap. 3. & in 4. dist. 1. 4. quæſt. 1. art. 1. & quæſt. 2. art. 5. quæ affirmat, attritionem ex solis viribus naturalibus elicere esse fatus ad iustificationem, si Sacramentum accedit: motus ea ratione, quod concursus supernaturalis Sacramento supplet concursum supernaturalem quo Deus euclere solet dolorem nostrum ad esse supernaturale contritionis: eaque de causa sicut contritio, quæ ad gratiam est fatus, est supernaturalis: ita attrito ex solis naturalibus elicita vna cum Sacramento efficer dispositionem supernaturalem, quæ contritioni æquipolleat. Idem queri potest de opinione Cani de Pénitentia part. 5. fol. supra citato,

D E Voluerint tam antiqua Concilia aduersus Pelagianos celebrata, Arausicanum præsertim, quā Patres tempestatis illius, qui aduersus Hereticos eosdem scripsere, cum primis Augustinum, facile primo intuitu species quædam, ac velut umbra sele offerret, communes Scholasticorum sententias circa credendi, sperandi, diligendi, ac poniendi actus quoad solam substantiam, quas à disputatione 7. retulimus atque explicavimus, ad Pelagii errores pertinere, & cum doctrina illorum Conciliorum ac Patrum pugnare. Inde vero permotus progrediente ad vires arbitrij nostri circa singulos actus illos, aliisque similes, spectatos præcisè intra limites actionum mere naturalium in se, eidemque arbitrio alioqui connaturalium, vñque adeò extenuanda, ut & cum lumine naturæ, ipsaque experientia quodammodo pugnet, naturalēque proinde ac moralē Philopophiam euertat, & tam difficilem cooperationem liberam arbitrij nostri ad supernaturales actus, quibus iustificamur, reddat, ut vix, aut ne vix quidem intelligi, & cum auxiliis gracie conciliarie valeat. Hac de causa operæ pretium me facturum existimau, si ultra ea, quæ disputacionibus præcedentibus, præsertim 5. & 6. de hac re dicta sunt, nonnulla adderem, ex quibus plenius constaret, vñbram solum ac speciem illam esse, nō vero rei veritatem: Conciliique illa & Patres aduersus Pelagianos de actibus illis loqui, ut dispositiones sunt ad gratiam, atque salutem necessarij, ac proinde ut sunt in se supernaturales, & latitudinem ordinis gratia ingrediuntur: non vero ut sunt mere naturales atque ad iustificationem omnino insufficientes. Id vero fieri, si quæ sequuntur expendantur, atque antem oculos habeantur.

Primum